



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

131 Iudaeorum expulsio à statu Ecclesiastico.

urn:nbn:de:hbz:466:1-10316

quam quibuscunque typographis, bibliopolis, seu mercatoribus, & aliis quibuscunque Christi fidelibus, † sub pœnis amissionis librorum, & publicationis omnium bonorum fisco ejus Principis, in cuius ditione libri reperti fuerint, applicandorum, ac alijs, etiam gravioribus, & corporis afflictivis arbitrio diœcesani, ac etiam Inquisitoris statuendis, ac moderandis, necnon, quo ad Christianos, etiam excommunicationis majoris latæ sententiæ per unumquemque contrafacientem eo ipso incurrendæ, ne hujusmodi libros, & alia scripta superius prohibita, ut præfertur, retinere, habere, legere, edere, typis excudere seu imprimere, describere, vel exemplare, advehere, emere, vendere, donare, commutare, aut aliàs quomodolibet distrahere, vel alienare præsumant. S. R. E.

128 Cardinalibus adversus hæreticam pravita-
tem † in toto terrarum orbe generalibus Inquisitorib⁹, Patriarchis, Primatibus, Archiepiscopis, Episcopis, cœterisq; locorum Ordinariis, & Inquisitoribus quibuscunque ejusdem hæreticæ pravitatis, in quibusvis Regnis, Provincijs, & civitatibus pro tempore exsistentibus, Apostolica auctoritate mandavit, quatenus sic prohibitos libros, & scripta diligentissimè perquirant: & contra eos qui super retentione hujusmodi culpabiles reperirent, ad prædictatum, & aliarum etiam graviorum eorum arbitrio pœnarum executionem procederent, *ut in litteris Apostolicis pridie cal. Martii, anno 1592. expeditis, & de more publicatis.*

129 Quamplures Romani Pontifices † pro tempore existentes maximè etiam invigilarunt, ut voracitates, ac flagitia Hebræorum in usuris præsertim extorquendis

omni vi, & via cohiberentur, quibus licet mansuetudo Christianæ pietatis aliquando dignis de causis per Summos Pontifices denegata non fuerit, nihilominus contra piam eorundem mentem, & intentionem indultis pravè abutentes, eò tandem sunt progressi ut adversus divinas, naturales, humanasque leges magnis, & gravibus pecuniarum vsuris, quas præsertim à pauperibus, & egenis exigunt monopolis illicitis, & fœneratiis pactis, fraudibus, dolis in contrahendo, ac fallacijs plurimos cives, & incolas ditionis temporalis ecclesiasticæ, ubi commorantur, miserè exhaurerint, circumvenerint, bonis spoliaverint, ac tenuis potissimum fortunæ homines, præsertim rusticos, & simplices, non solum ad extremam inopiam, & mendicitatē, seu propemodum in servitutem redegerint.

130 Multa præterea, † quidem graviora scelera, & flagitia, & ipsi commiserint, & perditio cuiq; ac nequissimo in facinorib. patranda suam libentissimè operam & quamcunque potuerunt, opem præstiterint. Quapropter idem Clemens Papa VIII. prædecessorum suorum vestigiis inhærens; primùm quidem constitutiones Pauli, & Pii, eorundemque litteras innovavit, illisque perpetuè inviolabilis, & inconcussæ firmitatis robur adiecit, litterasque Pii Papæ IV. & Sixti V. quatenus eorundem litterarum Pauli IV. & Pii V. adversantur, revocavit, cassavit, abolevit, & annullavit, irritaque cassi & nulla decrevit, ac sua perpetuò valitura

131 constitutione præcepit, & mandavit, † ut omnes, & quicumque Iudæi utriuslibet sexus, qui in quibusvis ditionis suæ temporalis universæ civitatibus, etiam Bononicæ, & Beneventan. oppidis, ter-

ris, castris, & locis, etiam sub eadem ditione consistentium, Baronum, & Dominicellorum quamcunque jurisdictionem, præminentiam, titulum, seu exemptionem habentium, & ejusdem ditionis temporalis, & status ecclesiastici finibus discedere, & aliò commigrare deberent. Et tam illos, quàm alios, si qui fortasse, ad prædictum statum accedent, jussit in posterum à tota ditione præfata perpetuis futuris temporibus sine ulla spe redditus exulare, ita ut quicumque Judæi, sive incolæ, sive peregrini, præsentés, aut futuri, in quovis dictæ ditionis loco, quando cunque post terminum eidem præfixum, jam elapsum inventi fuerint, rebus omnibus spoliari, & que fisci juribus applicari, & qui ex ijs ætate, & corpore viribus satis firmis ad eam pœnam sustinendam reperti fuerint, ad triremes, quò ad vixerint, damnari voluit:

Quòd quidè in toto prædicto statu ubi
 132 que servari præcepit, † Urbe Roma, Avinionen. atque Anconitan. dumtaxat excep-
 tis, in quibus Judæos incolas, vel eò commigrantes dignis de causis censuit tolerandos, ea tamen lege, ut civitatum prædictarum statuta favorem Christianorum con-
 133 cernentia, † nec non edicta ordinari-
 rum magistratuum, præcipuè verò Pontificum, & aliàs Apostolicas, & canonicas, quæ circa ipsos Judæos aliquid disponunt, constitutiones observent. Mandando, præterea, tam almæ Urbis Vicario, & S. R. E. Camerario, quàm universis omnium locorum ditionis Ecclesiasticæ Ordinariis, Legatis, Vice legatis, Præsilibus, & Gubernatoribus pro tem-
 134 pore existentibus: † quatenus eorum unufquisque ea inviolabiliter observari

curet: nec quidquam super ijs tolerare, indulgere, aut permittere, vel licentias alias quas concedere præsumant: sed contra quoscunque inobedientes, ac transgressores omni severitate animadvertant; contra traditores per opportuna juris, & facti remedia appellatione postposita compescendo, ut in litteris ejusdem Clementis Papa VIII. v. Kal. Martii 1592. expeditis, & impressis, ac de more publicatis.

Sæpè quæri solet, an Judæi filii ad Christi fidem conversi, teneantur alimenta præstare; Et responderetur affirmative, quia pater, & mater infideles † tenentur filix fideli dotem, & filio Christiano donationem propter nuptias, & utriusque alimenta secundum facultatem patrimonii præstare, per text. in l. cognovimus, ubi etiam Salic. C. de heret. & manich. glol. in l. neque matri pro filia, C. de jur. dot. & ibi Bald. numer. 2. Quinimo quia donatio propter nuptias non est hodie communiter in usu, loco ejusdem donationis † Judæus pater tenetur dare filio effecto Christiano legitimam, quæ illius loco succedit, pro qua facit text. in cap. Judæi, de Jud. & Sarrac. & deducta per Franc. Aret. in repert. in vers. Judæi filius, in fin.

Quòdque Judæorum filii familias, & in patria potestate constituti legitimi, & quacunque alia portione bonorum patrum, aut maternorum: de jure, seu successione bonorum eis aliàs debitorum per eorum parentes fraudari, aut privati non possint, neque debeant, sed eis integrè, etiam si contra voluntatem parentum suorum ad fidem conversi fuerint, etià eorum parentibus viventibus, debeantur, statuit Paul.